

賞雨茅屋詩集

賞雨茅屋詩集卷之七

盱江 曾煥

賞谷

古今體詩八十首

楊忠愍公名印歌

君不名其臣真人在師位父不名其子事與東樓議當
曰楊椒山姓名何足貴誰歟授金印將軍通寇爲奇勳
誰歟賜銀記宰相贊位能壽君其下義兒及厮役印何
纍纍五鹿客楊公位不過郎官區區小章徒刻畫況公
論繫三年餘秋讞再成嘗免誅一旦附名張經李天寵
獄九重覽疏渾如無豈知公死名亘代百鍊之銅不能

壞泐壇青爵久銷沈冰山錄中何物在

答蓮裳芙初夜坐之作

瑟瑟涼風爲底生荒荒明月太無情
江樓夜色清如此一片吟蛩落葉聲

二喬觀書圖

甄妃蔡女亂離中一代紅顏薄命同
閨閣觀書將底用可無夫婿是英雄

淮浦答芙初手山寄懷

誰甘一日故人疏離別無端十日餘
吏道麤知閑禮節儒名雖在廢詩書
河邊野哭飛蝗後篷底秋風聽雁初

如我勞勞何所補諸公且莫厭閒居

蒜山見梅花卻寄厚菴蘭池一絕

報與山中人早梅今已發獨持一尊酒花下屬明月

題鶴林寺

竹林淡處禮瞿曇因果茫茫我欲參豔質何緣離闥苑
文人可稱作伽藍九霄一鶴風雲過六代雙松雨雪酣
如此江山多浩劫獨能堅忍坐珠龕

題招隱寺

泠泠澗泉響髣髴聞清琴此是戴公宅何人來嗣音

游夾山竹林寺

寶下詩集卷之八
一路踏層嶂遠江時乍明澗從千竹轉門夾兩山成積
翠綠棋局涼雲近磬聲有僧足來往

恒贊

詩似偕菴清

焦山僧
清恒也

坡公生日以梅花爲供作歌

梅花酌爾一杯酒爾與坡翁同日壽皎然冰雪爲精神
今爾得毋翁化身憶翁醉臥孤山麓點綴裙腰紛似玉
憶翁岐亭道上行照影清谿三百曲翁南遷入羅浮村
蠻風蛋雨愁黃昏蘇句可憐老去寒徹骨賴有國豔聊相
溫翁每見花開口笑花若愛翁詩絕妙恩恩一世春夢
婆今日供花翁柰何

春月

天邊最是月多情似惜韶華過眼輕寫影花前眞態出
隨人陌上晚妝明春江曾照南朝豔子夜猶傳北里聲
誰識吳閭今儉俗畫船燈火不宵行

伊墨卿自海南赴都過揚州相見

他時已分遠離羣拭淚今朝又見君拙宦自應登白簡
故人多得上青雲客中身是

朝廷賜夢裏家仍嶺嶠分猶有深情憐我老十年鬢雪
便紛紛

和劉隨州雜詠八首

幽琴

雨風變秋氣城闕凝愁陰孤桐不一鳴何以和人心乍
奏欲旋罷錦囊韜復泱所嗟古初泐聽者難為尋

晚桃

紛紛綠陰蔽脈脈紅顏低春事一已過春人都見遺花
開誰久長遲早理亦齊但能結甘實請看下成蹊

秦鏡

一片古時月古人持照人何為照屢誤未免霧流塵願
掃黑雲淨蟾蜍今復新雖憎顏面醜庶見肝膽真

古劍

鉛刀正有用古劍何爲出時時鳴不平欲使風塵息歲
久青苔生龜鱗黯無色寒儒且收取閒置琴書側

疲馬

虞坂青盤盤鞭策使之走恐貽覆車憂力盡焉敢後馬
爾非不逢食料耗升斗天閑別養驥慷慨一迴首

舊井

故物多可厭井泉茲亦然春苔蝨盡蕪斷綬闌空懸曾
得美人汲因登嘉客筵今惟涼月照猶似當時圓

白鷺

毛羽何太潔心情自閒冷鷹鷂鋒得避江海趣相永求

寶雨寺屋詩集卷之一
四
食世所難衆禽紛不靜安能盡忘機是處成樂境

寒缸

我有長燈檠未能棄牆角苦因經術疏時復溫舊學氣
青窗雨鳴焔冷檐雪落此際虛明心賴君相照灼

汪澣雲索題三圖

彈琴圖

蘿徑候誰來知予愛清聽題襟三五夜月出音初定

填詞圖

問君何不平寫出斷腸語最是江南春瀟瀟三月雨

看山圖

看山不覺晚雲在忽已遠君自出山來閒雲付誰管

讀恆齋綠陰詩有感

紅紫多時不暇愁朝朝羯鼓打涼州蟬聲忽到林西角
酒醒夢回人白頭

讀水經注作

水經讀過重低徊天意茫茫未可猜滄海十年頻北徙
黃河三月又南來樓船出沒容羣盜薪土綢繆老吏才
愁絕連朝風雨急閉門江上罷登臺

雨夕與恆齋蓮裳芙初閒話以詩紀之

有懷君欲向誰傾天壤之間獨友生渺渺江湖如雁集

瀟瀟風雨感雞鳴
哀歌壁上青萍動
醉舞燈前白髮驚
他日浮鞬都未卜
對牀珍重此時情

贈張鶴舫

庭鶴方卑棲其聲自孤高
況子縱使去落落鳴九皋
作吏苦拘迫令人氣不豪
巧言斯見才捷足斯有勞
張君樸訥人事事輸兒曹
宰邑惟絃歌割雞用牛刀
文成必美錦機杼妙獨操
向稱巧捷者舌撝而膚撓
督郵不之好束帶豈貸陶
將責君曠官咎及于風騷
風騷寧可咎官職故可逃
以此急投劾快如鳥脫條
江湖莽寥廓煙景隨所遭
得意恣揮寫萬事皆豪毛

吳白菴游黃山圖

言訪容成子遂登軒后臺
雲浮山入海松破石如雷
龍舞晴空下禽鳴廣樂來
神仙厭官府人世暫須回

贈劉松嵐

苦愛浮家好飄然竟罷官
詩如秋樹瘦酒對草江寒
死

交平生淚

君篤於李子喬黃仲則何豈匏三人

才人性命看昨來聞宴客

叢菊繞階闌

題陶靖節像卽集其詩二首

自古皆有歿誰云固窮難
邈哉此前修道勝無戚
顏慨然念黃虞卽日棄其官
豈不寒與餓靈府長獨閒
被褐

欣自得躬耕非所歎終身與世辭夷叔在西山

采菊東籬下開荒南野際時賴好事人挈壺相與至觴
至輒傾杯此中有真意千載非所知一士長獨醉良辰
登遠游高舉尋吾契言笑無厭時於何勞智慧咄咄俗
中愚棲棲世中事斯人久已沒瞻望邈難逮

書李太白真

公與羣仙何處相翱翔人閒千載天茫茫夜來光氣萬
丈長長庚照我江上堂見公酌公三百觴公貌揚揚神
欲發飛上青天攬明月

題石湖課耕圖送白菴南歸

先生別我欲歸矣告我耕田自茲始向來把筆爲良耜
謂取千鍾拾青紫今知仕宦良復難諸公反羨田家子
故鄉慙少好山水此亦移居石湖耳我知石湖湖畔多
膏腴祇怪吳儂不肖親犁鋤雕文刻鏤復纂組動心悅
目天下無飢來珠玉能饜乎舍本逐末何其愚願君努
力爲耕夫或者風俗移吳趨先生一笑言何易勸農教
稼非吾事吳中亦少閒田地欲給人人恐難繼不見江
西人除卻力田無巧藝幾家負郭有二頃輕忝其鄉盡
吾類吾但求吾溫飽志梁鴻賃廡謀當遂

退思草堂詩爲劉松嵐作

松嵐爲寧遠州牧於
署中築退思草堂

今之寧遠州明之寧遠衛偃武百年來儒術飾吏治俗
問君退思所思果何繫思我

開國初締造良匪易是邦爲明守非不得形勢箕星分
挹婁海日見高麗明亦頗有人劉巫多揜置左右千戶
所城堅甲復利我自

天命中迄於

崇德世先後二十年攻此彈丸地於鑠松山師始獲錦
州帥介胄盡人傑風雲況天意負固獨此城阻我千萬
騎衛邊雙樹堡且有鴻溝議齊苟用田單卽墨抗樂毅
幸哉崇煥戮明但倚三桂穆然

創業心守土關至計雖爲畱都輔可不作邊備時平每
多忽恣久尤易敝富庶弗善籌負茲百里寄聞君政在
民甘棠今尙庇嘯咏斯堂中文采蓋餘事

硯鏡行

方子雲所贈

夜來作書就燈檠風搖燈影如流螢磨硯但覺煙冥冥
麝煤一片浮遠青時時蘸毫失重輕濃澹著紙方分明
恨我不能養黃庭內景外景皆不靈四十便已昏雙睛
偶遇方回講長生教我知白參道經恣當納景含光晶
撥懷示我銅鏡屏云此不將亦不迎唯虛故靜靜故靈
金燧取火於無形何況明明一點燈其光內攝而專凝

與君用之能發旨我視鏡面冰輪清厥裏煌煌列衆星
雙龍蟠紐海氣腥不知誰鑄誰磨瑩燈窗試從硯北橫
俯窺寒潭水一泓潭中乍如晚虹晴又如返照明遠汀
電光忽掣元雲行勢助雙龍起雷霆掀翻墨海欲倒傾
爲天下作靈雨零此時光氣驚戶樞炯我雙眸如隱醒
鏡神當是太乙精憐我昏眊學無成吹藜照我夜作程
轉念人生無百齡讀書但取記姓名何必文字多爭能
苦於點墨分淄澆身鏡已昏不再澄區區銅鏡安足憑

酬吳巢松

承示詩文皆隨宦
山東廣東時作

海於天地間爲物良獨大其束演析木陽景升泰岱其

南澗朱崖陰火出珍怪百川雖學之向若嗟不逮古來
爲文章誰具此氣槩太白游山東長嘯天門外風雲生
羽翼珠玉落營欬醉來一狂歌聞者皆自廢維時杜子
美旗鼓適相對南樓縱遙目北渚賦高會思與鬼神通
力使金石碎有如兩公才庶克東海配南海故炎荒誰
與開蒙昧天遣韓昌黎彼中拓眼界祝融喜公文祥飈
送旌旆鱷魚懼公文一夕徙其隊公後有蘇公與韓共
顛沛奎垣光萬丈羣小不能晦梅花供醉眠荔支得飽
噉佛迹仙人樓公筆爲藻繪有如兩公才翻覺南海隘
千古復幾人人或不同派巨者爲江河小者但溝澮餘

夏蹠泠耳論詩等自卽不圖今吳生飛騰接前輩生也
浩蕩宵納雲夢如芥發揮以文辭鬱勃復超邁往時歷
下城舜祠親肅拜夏陟梁父山遐稽七十年代擬上明堂
圖詳于公玉帶昨來下南越登臺有淡嘅趙佗猶速亾
劉鋹乃無賴豈料承平時姦宄敢狼狽此際橫海將樓
船軍下瀨生也損軍門一策無百喙哀此實愚民駢首
就創艾賦成弔戰場淚灑滄谿塞良醫方衷手誓欲起
凋瘵灑灑數千言一讀一痛快生才竟如海吾未測所
屆李杜與韓蘇豈云生不再我雖嘗問津半途則已憊
老矣眼中人生其善自愛

毘陵人將修吳泰伯墓乞詩紀之得二十韵

金精淪虎邱碧血化卑猶禍信爭端大人思讓德優清
風非避紂遐迹遂興周作此南邦對孚於上帝求荒山
如亶父遯澗亦公劉城邑三年聚江湖萬古流世家原
孝弟運會到春秋宣聖稱宜亟延陵勢不侔殞波何洵
洵古道竟悠悠墓在仍梅里祠崇近粟頭殷師嘗表識
縻豹與官修每歎因心友誰爲曠代儔

皇朝膺寶歷叔父定神州時有功名士將成擁戴謀昌
言指天日肅駕返

宸旒

高廟文章煥王封奕葉酬

眷言茲至德

遣祭視諸侯樵採今常禁榛蕪久漸稠詎疑倉頡冢如
過首陽陬君子追遺澤工徒請速鳩

寒草

意外空庭得生機爲汝尋根亥知未斷冰雪且須禁綠
是淒涼色春延造化心天如憐寸草歲暮莫凝陰

簡劉芙初彭甘亭吳巢松

殷璠河嶽英靈集仲武中興間氣編不載少陵詩一字
如何千古軼羣賢

題故揚州游擊白公

雲上

家藏陳文恭相國一手

札後

嗚呼陳相公能信白將軍嗚呼白將軍果能取信揚州
人揚州風氣相公熟揚州陰受相公福今日雕弓寶馬
來將軍身手悉縛束草莽可能無伏戎貧家廚竈可不
空我爲揚人慟哭將軍已更爲將軍哭相公

和社工部四詠

病柏

我生素孱羸羨爾風霜姿嘗聞泰山柏植自漢武時爾
寧秉氣異黛色今中衰金石有不固人寰彌可悲樗猶

能自全輪亦終無疵爾當由材大造物故困之世如養
槭棘爾病固其宜世如需棟梁爾病將何施

病橘

謂有歲寒心矧茲地氣煖汝宜自雕飾玉几承燕衍巨
蠹何時生眞液中不滿青黃忽改色

古詩句

病葉蛛絲卷

洞庭千戶侯恃此爲恆產江南又屢潦飢者將代飯詎
可令吳儂生機一時斷昨來天雨豆麤沙煮不輒

春月上元

儀徵皆雨豆到地變爲沙礫

枯櫟

櫟櫚卽麤材樹藝足生活最適貧賤用無憂富豪奪山

人取自編漁家蓑可脫繩牀宜穩眠塵尾亦清拂雨聞
珍貨多種種入華闔茅檐安薄陋天忍令材竭季世人
患滿物力窮采割雨露雖至仁未能救天闕昨見田野
間此材半枯枿此材亦既枯莫更枯蒲葛

枯枿

三吳少枿樹航致由蜀中千金買一椽棟宇家爭崇抑
或雕几案甚乃作殯宮翦伐能無頻蜀客嗟山空山川
產尤物人欲滋無窮上天其有意返樸示太沖此材任
枯死貺以桑麻豐草堂靈儻在定不傷兩風

苦竹

江岸人家苦竹叢
閒花野草共蒙籠
鷓鴣淅喚三春雨
翡翠輕翻一逕風
吹笛嘗過煙舍側
寫圖宜置石稜中
何須更羨捎雲幹
儘有清陰護釣翁

蒹葭

江湖坐覺歲蹉跎
揭揭葭蘆渺渺波
我念伊人何處在
古來窮士此中多
雪明曉日憐鷗冷
風起涼宵聽雁過
歸計未成頭已白
至今孤負一漁蓑

蘭池飲子甘露酒酬以二詩

天酒曰甘露飲之爲壽
民甘露不常降民生多苦
辛鼎鼎百年中飢渴勞其
身藜藿常習苦安能避茶
蕪此酒

誰所名定是傷心人爲語傷心人有酒聊甘貧
甘貧我所能臧否常挂口子欲藥我病飲我以醇酒小
人甘以壞感子意良厚爲子盡一觴使子忘萬有所慮
歲屢凶將難覓升斗酒如變甘露徧灑南東畝

送張鶴舫歸里

風雨瀟瀟夜復晨驚心江海獨歸人自知宦拙非耽隱
莫救民窮敢厭貧憐我憂危成疾病對君歌哭動天真
誰能不念衰親在循彼南陔要此身

退菴近以指頭寫山水爲賦指頭山水歌

先生作畫方凭几幡然三歎投筆起吾今老而頭禿矣

誤盡一生坐因爾吾與世人皆養指指揮何必毛錐子
天然玉筍排五峯頃刻雲煙變青紫語予世界有大千
請君但從掌上觀山河欲開巨靈擎樓閣偶現如來彈
森森洞庭嵐嶂立春天花吹雨青蕪溼林中人寂鳥啼高
村口花深漁艇入一皴一染皆生趣用筆翻多不到處
知君妙得天龍禪使我微參漆園喻人生濟時手無措
何似游情向縑素羨君有指任屈伸予指從來不若人

草蟲六詠

絡緯

杼軸空加此寒衣及爾聽他曉不住應歎婦難爲河

漢方迢遞房櫳憶別離迴文心最迫幾日得成絲

蚱蜢

不折春蠶股薨薨奈爾何已能矜奮躍育自量么磨聲
與葦吟亂羣迷草色多淚愁螭孽在昨者歲無禾

蜻蜓

世方憎白鳥吾最喜青蜻淨掃如雷市涼生過雨庭水
花供點綴天地信飛停兒輩休輕薄荒唐感應經

螳螂

秋氣來何蚤螳螂已奮然車中人避轍戶外客驚絃豈
意雕陵鶴唯貪茂樹蟬莊生悲物累從此彈丸捐

蟋蟀

蟋蟀上西堂堂前風露涼
晉人休好樂幽女已心傷
切吟何苦淒淒序不芳
誰家貪賭鬪一喙萬金償

蝦蟆

閣閣是何聲囂然得意鳴
涼初乘雨氣夜恐蝕陰精
井底宜波沒車前竟怒橫
況逢今大水滿地縱蛟鯨

題退菴抱膝吾廬圖

山程風雪水程煙回首浮蹤二十年
老屋三間仍舊在
菜花香到草堂前

靈壁石笛歌

上刻小宛二字是冒巢民姬人董少君物

石語荒煙龍泣雨水繪園林散歌舞梅花落盡春無主
橫玉一枝誰拾取茗華上刻嬌嬈字石人見之應下淚
苔斑碎點臙脂痕寒冰不得朱脣溫當時銀字聲高絕
竹不禁吹吹欲裂泛舟夜動瓜洲風倚樓秋入秦淮月
合歡新曲燕子箋南朝金粉方爭妍豈知桑濮兆亾國
女媧有石難補天家世飄零貴公子每聽哀音壯心死
亦聞擇壻顧橫波畫蘭湘管今如何

蓮裳在京師倩張船山作青芝山館圖以予與萬
廉山皆有卜隣之約賦詩見寄奉答三首

溶溶太湖月冷浸干梅花花間有草堂此是吾隣家吾

廬復何似幽致略同此裏出青芝山一笑皆畫耳
士逢太平世隨處皆可安何必去鄉里始能樂邱園魚
鳥恣翔泳當知天地恩不然太湖濱豈是桃花源
咎人嘗有言桃源卽栗里淵明嫌折腰浩蕩入煙水君
儻師其意慎毋從祿仕曾生與萬生刺促今如此

贈醫者王九峯

王郎無所聞對客常多笑

鄭註詩旄邱篇人之耳聾常多笑

藹然若春

風生意迴野燒爲人視疾痛初弗審號叫盡字述所苦
得方輒神效吾想生人初誰鑿渾沌竅五蘊各爲賊百
疴皆自召紛紛螻蟻動屬耳厭喧鬧君能塞聞塵一病

先自療世事既不關靜中心故妙常操養生添植物觀
其微堂前畹蘭叢堂後修篁繞董杏蘇耽橘當可充藥
料吾方困塵囂衰病雜憂悄君有堯元國欲往共耕釣
于役泰州東臺寄酬芙初題襟館雜題四絕

海水天風逼歲殘
磬磬鴻雁不勝寒
官來官去河隄上
卻被閒鷗冷眼看

十室流亾九未回
孤舟停著斷牆隈
海陵一夜風吹樹
駭道秋潮又復來

中流誰唱公無渡
哀怨聲聲麗玉歌
兩鬢如霜不歸去
勞君朝夕念風波

題襟館外樹交加館主常時負歲華雙鶴有情來寄語
祇愁憔悴到梅花

郭頻伽靈芬館圖歌

郭生郭生爾結幽蘭采芳杜獨何爲乎懷故宇爾豈不
聞登閩風詒縣圃其中揚靈有佚女女嬋媛兮悅奇芬
捐爾瓊枝神所予不能乘鷲駟玉虬乃言前路無蹇修
呶訾慄斯生又羞鳩媒鳩介難爲求芳時冉冉其不畱
塊獨處此山之幽松江有鱸湖有鶴煙雨冥冥天漠漠
郭生放浪於其間蕙帶荷衣亦殊樂長洲王廣文芭孫
太倉彭文學兆孫與生才名同落拓扁舟時復一過從

香草美人紛有作郭生郭生爾旣喜爲屈子文安能汝
汝隨人羣要知行止皆天命屈子當日枉用占靈氛東
皇太乙雲中君敢有私意臨下民折芳馨兮薦瑤席風
車雷馬徒紛紜

眞州城西汪氏榮園廢址有美人石旣芸臺中丞
訪之易名湘靈峯伊墨卿太守作歌索和

省時粉黛驚里閭黃金爲門玉爲居戶外白馬從驪駒
來者有似觀羅敷何年委之在泥塗舞茵歌席渾榛蕪
亭亭瘦骨無人扶片雲影入江心孤石不能言淚如水
世間萬變皆如此洛陽衰盛轉眼閒但看名園興廢耳

託根本自水精域漢女浴妃冰玉質無端鐵網網珊瑚
自悔當年太輕出巫山有夢通襄王大姑小姑嫁彭郎
爾心不轉恆獨立江煙江月天蒼涼中丞賢於李贊皇
太守才如米元章憐爾寂寞爲爾傷無力致爾徒徬徨
阮芸臺中丞得前明楊忠愍公遺墨四紙潢治成
卷付焦山僧藏之徵詩紀事爲賦長句

枯木堂中鼎文古人言曾入分宜家冰山豈能載重器
金景蒸出江天霞分宜當日恣威福十罪五奸誰觸邪
楊公抗疏言馬市已遭遠竄洮河涯曩臣騷些顛天日
故人書札馳風沙二百餘年遺筆在鋒芒不缺如鑊鈺

青辭宰相竟何有奇珍異物皆空花
巧偷豪奪若周鼎至今觀者淡咨嗟
瑯環主人得名迹寶逾尊肆兼璋牙
意謂鼎銘訓忠孝此書照世同光華
名山藏皮於義合歷億萬劫傳僧伽
海雲如見大悲憫人生勢力徒相夸
可能銀漢不風波

丙寅七夕

海州昨夜走黃河兒女流離涕淚多
聞道鶴橋今夕駕題李武曾藝蘭圖遺卷

空谷芳蘭尚有孫百年圖畫至今存
當時曾不求題詠

秋錦山房自閉門

武曾裔孫旣方出求今人詩前輩並無題詠

實下言集卷之二
桃李紛紛日下春，獨歸三畝五湖身。世間何處無幽草，應憶中條買圃人。
謂吳

蓮洋

栗子關前霽瘴雨，榆林塞外冒秋霜。王孫踏徧天涯路，草色何如長水鄉。

香浮絹素兩三花，世誦清芬此一家。合向祠堂長供養，

十株梅樹鬪芳華。
閩嘉興三李祠堂前有宋梅十餘樹

贈張州判 賜空

張侯作官二十年，不進一階無一錢。所得江南好山水，宦囊傾倒皆雲煙。煙開揚州五湖白，雲接荆門萬峯碧。朝暉彩翠明當空，草雨蒼茫入無極。中間忽曠忽幽阻，

誰爲翦裁誰爲補張侯對此融心神大笑有緣官此土
今人作畫但撫古閉塞天機習規矩天然粉本在目前
何必荆關復董巨日從簿書苦不閒簿書正患規矩煩
一如論畫取形似有恣無意徒昏昏亟召家人將酒至
要爲胷中洗腸胃三杯徑醉神忽來落紙丹青益生氣
昨來爲我圖谿漁舊游宛在西子湖波光裔裔蕩嵐靄
風勢獵獵翻菰蒲沙鳥颺翎意將發舟人招手如可呼
餘暉圖外更縹緲元氣殆與青冥俱張侯時亦寫花竹
著墨無多姿致足名家畫品何由高襟抱過人差免俗
張侯不減曹霸翁終日坎壈纏其身杜句或有諷之求

富貴看山還復行江濱

伊墨卿出示守惠州時重修朝雲墓碑冊子題六

絕句

萬里傳來幼婦碑梅花村裏葬蛾眉憐他一種孤山樹
蚤雨蠻風墮落時

尙書春夢覺來身幾箇平生同夢人二十三年一回首
西湖煙月舞衣新

安石門庭罷相年惠卿聲氣貶官前雨雲翻復尋常有
何但楊枝別樂天

一家添喜共參禪慧業文人亦可憐經卷藥爐收拾了

生天已在尙書前

合江樓下江長逝白鶴峯頭鶴不來
勞爾芳魂頻悵望
年年花發墓門梅

文章太守楚詞招立馬荒亭望古遙
今日孤忠能免罪
人生須遇

聖明朝

賞雨茅屋詩集卷之七終

賞雨茅屋詩集卷之八

盱江 曾煥 賓谷

古今體詩八十二首

黃山吟爲洪桐生題圖作

洪崖古飛仙期我三千年遇之廣陵市瓊笈披靈篇不
圖五岳形乃繪天都天天高不可階招我拍其肩白雲
浩如海一往凌茫然忽有神雅來矯翼導我前雲中雙
闕出言至雲門邊屏開紫玉光標建丹霞鮮行行萬年
松朶朶千丈道其閒仙人榜寶篆常高縣問有吾名無
守者笑不言進謁軒轅帝恭聞玉音宜顧語浮邱公斯

人秉氣偏雖然未聞道於道亦有緣飲我雲霧茶浴我
朱沙泉餌我戊己芝使我宿病痊頃焉奏廣樂樂在韶
武先有石聲振鼓有水聲鳴絃有鳥歌清新有鼇抃迴
旋最奇九白龍空際交蜿蜒流風復迴雪歷亂珠光圓
天上樂如此塵寰誠可捐洪厓促言歸道力子未堅從
來富貴中無人住名山不見朱相國嘗能鍊汞鉛汞鉛
竟難成子且求長閒頰首媿茲語吾當乞歸田圖中多
隙地佳處營數椽

胡香海自閩解官訪予江上感贈四首

作吏竟如何看君白髮多天涯仍客旅海道尙風波上

策無由獻中年倏已過向來身許

國此志漫蹉跎

篝火村村聚戈船日日飄賊唯憂李晟民欲返王潮釜
底魚方入帆邊鬣忽遙徒聞沿海路爭唱尹來謠

君意哀殊俗生涯太苦辛種諸黥手婦采堇斷腸人鬪
祇因蠻觸居常雜介鱗拊循知有道宥復厭清貧

重到前游地還傷客子情河魚看大上澤雁聽哀鳴信
是鄉園好從來水石清麻源弟三谷與子定歸耕

讀香海括茶篇慨然有作卽用其韵

原題自註云羅植茶合他

巖附武彝以達四方山隱氣寒僧寺所產僅十之二官歲取數十奩多至百奩有不給者悉市以應

予憫之
罷其例

耕夫腹恆飢桑女肌恆冷建州山中僧喉急苦無茗誦
君括茶篇一誦一悲嗟古稱瑞草魁非瑞實妖胄甘露
何有堂通仙何有井揀何必水芽製何必京挺前丁復
後蔡綱貢分十等大鳳又小龍羸金纔數餅封題有司
印煎淪大官鼎籠頭紗帽高捧盃蛾眉覩日食若爲銷
醉魂幾會醒南唐迄元代悉索敝茲境焙局今久除吏
胥猶敢逞碧豎力已殫緇流夢頻警昨者縣官至班春
及桃杏廉問得此情下帖與裁省此是飲水官山門抑
何幸吾聞交趾桂伐樹無餘榎又聞於潛尤掘土少新

穎非關地力窮皆苦苛政猛造物至仁愛敢爲下民請
樹木先樹人羣生壽俱永

讀小謨觴館集題一絕句

大鈞一問竟茫茫安得巫咸下九閻昨向淮陰經古廟
獨將酒酌楚元王

明晉藩寧化王琴歌

管聞路琴在杭州今得此琴廣陵郡梓材零落嗟亾衛
潞王封於衛輝桐葉摩挲憶封晉晉國當時已可憐嗣王哀感
君臣絃自從北鄙專殺伐同室往往驚鳴蟬誰操越裳
比姬旦未堪管蔡多家難天風環佩不成音好琴安得

無琴心

清明插柳詞

新煙曉颺江城煖樓閣朦朧覺春滿隋隄柳枝昨初翦
插向門闌露猶泣生憎柳態嬌於人門裏門前睂對展
黃鸝上下紫燕翻往往誤觸蒼琅根打毬開讌笑語溫
黃金端合爲君門纖腰舞倦春亦去走馬風中已飛絮

題孫雪居達摩渡江圖

六朝一水逝五葉一花新佛法有初祖帝王非若人青
絲控白馬阜莢洗黃塵江上客愁絕叢蘆風雨辰

題錫山唐孝女畫卷四絕

樂府徒歌早嫁詞人言生女勿傷悲
唐家女似木蘭語歎息阿耶無大兒

語耶市粉夏調丹不理新妝弄弱翰
寫徧春風千萬樹九龍煙雨一樓寒

兒年二十何有家兒年七十今無耶
沒骨圖成與誰賣殞宮哭殺棠梨花

誰補白華因女郎真看處子獨堂堂
圖中多少穠桃李爲嫁春風儘自忙

夜渡滹沱河十韻

河朔三邊靜滹沱五月寒滿川星斗碎
孤櫂水雲寬野

勢連燕代瀉頭湧魏韓龍岡環宛宛雁塞下漫漫主父
初通楫臺駘管障瀾冰堅因漢帝渠鑿自曹瞞嘶馬流
方急驚烏樹未安松膠誰避暑麥飯此加餐古意波長
逝天光夜漸闌征塵還僕僕無夢過邯鄲

過邯鄲戲作邯鄲行

邯鄲少年氣勃勃邯鄲才人顏豔發結客不遇平原君
失時嘗嫁廝養卒邯鄲郭公舞不長鄧林蕭瑟叢臺荒
山上何曾有紫氣城邊猶自流清漳清漳管日王侯里
歌笑紛紛盛無比澗池如酒會強隣壽陵學步嗤餘子
此日邯鄲徒古名今人望古不勝情今人還入黃梁夢

誰似盧生喚得醒

登黃鶴樓

仙翁乘鶴儻來歸城郭人民久已非芳草年年洲上綠
梅花片片笛中飛鳳皇迹遠惟山在烏鶴枝空何樹依
千古大江流日夜心悲不獨謝元暉

登岳陽樓

宵吞雲夢澤來上岳陽樓欲與飛仙醉同銷往古愁檐
前南斗近天際北江收木葉蕭蕭下沅湘氣又秋

長沙竹枝詞

劉郎管來唱竹枝劉郎去後猶餘悲緣何調苦詞俱苦

祇爲沅湘多別離

湘江自與瀟江合
汨水還同羅水趨
儂欲破除千古恨
移君山去接蒼梧

黃陵古廟向江開
巫語雲中帝子來
靈雨神風太飄忽
夜猿山鬼一齊哀

懷王身陷虎狼國
左徒骨葬蛟龍淵
儂欲招魂魂不返
儂欲問天天有言

章華臺畔亂山路
會春園中野草花
玉貌從來易消歇
徒聞此地出丹沙

伏波廟與陶公廟
俎豆馨香典不刊
猶有紛紛兒女淚

百餘年哭蔡推官

湘臯處處好燒畝終歲耕耘不贍家誰種江陵千樹橘
夏收安化入牀茶

郎采湘蕪儂采蓮朝來暮往倒扒船郎如蕪菜滑無比
儂似蓮心苦有然

江流九轉腸太曲江面三洲心不平自是行人易惆悵
夏禁兩岸鷓鴣聲

郎欲出門郎且徐煙波渺渺正愁余揚帆東過洞庭去
莫寄龍宮小女書

青草湖邊踏青去桃花江上看花過君隨青草連天遠

妾貌桃花可柰何

儂唱竹枝誰忍聞竹枝聲裏能傷神古來三戶遺民少
盡是他鄉流寓人

人日寄江淮故人

荆楚歲時今日新題詩遠寄江南人江南一十五人日
人與使君心迹親使君別時已垂老竭來多病尤潦倒
風光又到踏青時尙憶開筵藉芳草揚州梅花滿蜀岡
二分明月寒有香吳郡梅花徧銅井萬頃太湖春弄影
使君與客嘗往來客與使君俱酩酊舞雪眠苔不知冷
至今夢寐猶清景湘江豈少春風枝此花不人騷人詞

子慕子兮善窈窕君思我兮多然疑游宦本來無定迹
卻望江南如故國相期各保百年身此日此時人共得
杜句

登嶽麓山望嶽有述

衡山自南來天向洞庭展餘勢猶盤鬱湘流此一轉祝
融居處尊門戶謹關鍵雲麓乃初階去天已不遠手捫
長沙星車轄左右輾右俯蒼梧低左臨漢江淺恭惟南
嶽靈亘古崇祀典助順在

昭代神功更不顯曩者逆藩來七澤熾兵燹維嶽彰冥
誅蚩尤旗盡偃有苗嘗弗率態作夜郎蹇維嶽奮風雷

谿峒懾威輝績當刊禹碑巡不勞舜輦用能感邦人拜
嶽恆累趼山巔有拜嶽石昨予初莅官燼燼頗憂旱牲幣偶告
虔甘霖徧疆吠牧民本無術允賴神降戩雲霧何當開
精誠託遙眇

嶽麓寺題壁

倚檻嶽雲邊蒼茫盡楚天江山三戶後臺殿六朝前塔
影移湖月鐘聲散浦煙古來騷客意銷釋向枯禪

晚渡湘江

月從下山白燈欲過江紅湘水晚逾澹楚天秋夏空心
悲憐宿鷺蹤迹類飛鴻漁唱歸何處數聲煙靄中

屈賈祠

龍門千古意合傳兩騷人家國空哀郢山河憶過秦文
爲唐勒祖學是仲舒倫佚女詒媒介明君問鬼神充帷
方服艾曆火孰憂薪呵壁茫茫事浮湘渺渺身衰遲驚
白日卑溼滅青春死與江漁誓災從野鳥陳九疑多霧
雨七國竟煙塵道自依前聖時當信大鈞每看荃蕙化
難恃鎔鋸新澤畔行吟苦朝中痛哭頻蘄蘭寧免妬絳
灌本來親曠世遙相待孤生總不辰悲風吹楚客古廟
對江濱薜荔帷猶展蒼苔井未埋招魂瞻八極繪貌想
三旬儻有雲旗下雙雙鳳與麟

陶桓公祠

老莊談笑卽公台
江漢橫流仗此才
分寸光陰爭日月
九重魂夢奮風雷
壁間疑有龍飛出
門外還應鶴弔來
何必當時萌異志
金輿玉座久寒灰

贈僧本照

湘水碧無際
飄然渡一杯

師所居名
杯渡齋

雲從衡嶽下
月過

洞庭來古貌
山松瘦長吟
野鶴哀
撥懷出詩卷
苦欲定敲推

君山茶歌

靈均日飲木蘭露
不省沅湘有茶樹
洞庭帝子春恨長

二千年來草夏香寒食無人古墓荒飄風靈雨愁潯陽
荃蓋蘭旌紛滿堂別開秀采森旗槍一槍一旗此時摘
煎入瓷甌湘水色

桃源行

祖龍烈火燒洞庭君山盡赭湘無靈此時驛騷徧三戶
松下房櫳何得扁仙人不作商山皓亦不能爲圯上老
亾秦輔漢兩無功歲歲落花門自掃桃源之說信云云
秦漢求仙何未聞蓬萊方丈在塵世千載漁郎始問津

武谿潑行

武谿一何潑武谿一何毒至今征戍兒愁唱武谿曲征

蠻當日竟如何顧盼徒雄馬伏波傳聞丹旆壺頭發祇是明珠載去多

客摹涪谿銘相遺作涪谿歌

人誰無一吾歿後吾安在漫郎得此谿私之遂百代有臺曰晤亭曰唐漫郎名此胡爲乎干進之客不能游退谷爲人厭者不得浮杯湖世俗紛紛忘故吾漫郎乃獨占此區自謂吾從吾所好寥寥此意誰能拘丹崖翁何人也棄官來住丹崖下窳尊欹石當日相盤桓是亦與世聾耳者丹崖翁竟無名涪谿獨有漫郎銘煙蘿浪打文不滅有若谿上山長青欲識漫郎遺愛至今在請君

夏讀春陵行

贈湘中漁父

自從靈均問漁父
湘中山水獨有漁家娛
山崢嶸兮水蕭瑟
柴門占盡瀟湘色
醉裏微聞杜若馨
醒來但見蘋花白
世間何者是神仙
曾入桃源洞
裏天當日祇嫌洞天隘
出來還復刺漁船

讀劉夢得洞庭秋月行愛其清遠有致輒追和一
篇

洞庭始波木葉脫
岳陽樓上看明月
平生見月皆管窺

到此圓靈乃空闊忽驚銀漢何時翻倒懸星斗浮青天
貝闕珠宮遙晃漾君山一點如輕煙此時月滿軒轅臺
霓旌髣髴乘龍來天風浩浩鳴廣樂響徹萬古浮雲開
此時月照湘妃墓蘭芷芳菲吹玉露九疑嬪御正揚靈
瑤瑟清泠汎波去吾想古人方未死當時明月已如此
人間孰與月同流歲歲秋光洞庭水岳陽樓上斗柄傾
岳陽城中人未醒何不扁舟趁良夜舉杯邀月酒香亭

湘中絕句

湘竹古來斑湘江天下碧湘中昨夜雨寸寸是秋色

憶揚州題襟館鶴

梅花嶺上雪瓜步江頭月有客共題襟昂藏鬚仙骨每
聞主人吟意輒相感發長唳秋天空清聲動林樾蕙帳
不招隱瑤琴翻怨別故巢知在無仙迹疑已沒昨登黃
鶴樓悵望江湖闊羽衣如見訪當有夢飛越

觀李伯時三馬圖并蘇書圖贊題其後

卷爲寶慶
汪司馬注

所藏

少陵老作諸侯客看畫猶思照夜白端明本是天閑龍
蠻荒矯首嘶北風豈徒丹青曹霸工親見貢馬徠西戎
臣草詔書下九重玉門關閉無邊烽馬今斃矣臣遭放
羸骨恐將銅歷葬當時黃九共酬唱等是驕驕氣凋喪

贊後附山谷唱和詩指鹿紛紛人敢妄卷中精爽獨無恙龍眠山人亦歸山此圖此贊空人間

寄揚州故舊

手攀木末芙蓉花江水東西天一涯
嫋嫋秋風報公子湘君兩鬢盡霜華

復書與楊甫蓮裳附以一詩兼寄頌伽恆齋甘亭

廉山

洞庭客寄洞庭書兩洞庭分千里餘君已閒調支遁鶴
我猶貪食武昌魚洲前杜若空捐佩山下梅花未卜居
憶否揚州明月夜從來不遣酒杯疏

青衣詩爲鮑貞女作

貞女許
字董氏

江頭小白花乃是女貞樹上有望夫山下有青衣墓誰
家葬青衣吳縣沈觀察問年五十餘青衣未嘗脫青衣
及笄歲主人議遣渠含淚前致詞小婢自有夫有夫在
汝水青青草千里蓬戶簷相望春風共桑梓鮑家茗香
時董家杏滿枝儂方折花劇郎亦逐羣嬉父母有成命
女蘿牽免絲謂言隣里間可以長因依豈知河東凶十
室九流徙儂不死溝壑鬻爲君家婢千里草青青春風
何處生春風又秋雨歲歲別離情紫燕有孤飛黃鶻有
獨宿儂雖卑賤身義不可他屬主人有嬌女亦有女孫

行且爲壓鍼綫頻作嫁衣裳嫁衣經幾許青衣固如常
管時小雙鬢忽已盈雪霜霜雪飛吳天不凋女貞樹願
天屢豐年處處家完聚

題故明少詹事陳公醴原遺像

當時滄海正橫流豈意乘槎海外游奉使歸來纔幾日
桑田無處認神州

淚染前朝舊賜緋宰官身換水田衣雪峯深處無人到
春雨年年長蕨薇

閩中一代兩詹事公與漳州黃石齋可憐生前心力盡
空將書疏哭平臺

題圖雙峯觀察湘南種竹圖

能令熱官冷愛他修竹林色同湘水色心是使君心月
映琴書靜煙籠花木淡時時一招我來聽鳳鸞吟

漢陽柳枝詞

武昌門外兩三樹漢水城邊千萬條方信無情是楊柳
至今猶學楚宮腰

楊花滾滾復濛濛生與桃花命略同妾在桃花祠畔住
年年寒食雨兼風

樓下煙波綠一灣樓中少婦損春顏生憎此樹關離別
那更當頭大別山

纔聽唳鶯又噪蟬漢南風景急流年他時怎怪桓司馬
一掣長條涕泫然

許州花園村行

花園村村名始何年許昌人不知但知村有園園中之
主世世常姓孫爲訪主人入村忒千章喬木青參天稍
聞人語出楊柳老翁扶藜先候門從以孫子恂恂然邀
余花下開芳尊長者行觴少者侍人與花氣俱清溫請
得問老翁家世凡幾傳翁言有明洪武初紀元遠祖始
從洪洞遷迄今四百三十載中夏喪亂崇禎間曾祖庭
儀公博士弟子員讀書好擊劍意氣如平原忽聞流賊

承河洛風塵昏潁川又薦飢十室九不全公乃大呼我
鄉里豈可迫令亡命從游魂亟收餓殍口授食夏結死
士腰垂韃此時迎戰約官軍官軍聞敵先驚奔守城問
州牧州牧無計徒憂煩公料賊渡石梁河兩岸預使千
人屯乘其半渡疾邀擊賊墮水者頭如鼉明年賊復來
攻城相戒勿入花園村公在城中協守禦密以機宜十
事投崑山時左良玉爲帥崑山不從城竟破公幸得脫歸柴關
遭遇

興朝洗兵革太平風物村墅閒羲之但愛植桑果謝氏
夏欲培芝蘭手澤於今幸無恙君看階下古柏青銅根

我聽翁言起長歎名家舊澤宜綿延豈不聞流賊渡澗池一時慘毒明兩藩洛陽之花野火燼梁王之苑洪濤翻至今過者爲悲酸何獨翁家好林壑如魯靈光巋然存知木有本水有源翁家宜感天地恩卽今盛德不減陳潁川壽翁一觴同此柏朝菌紛紛何足論

武昌懷古三首

醜酒臨大江江春綠茫茫芳草怨黃祖東風憶周郎遭逢有不幸年命有不長請得問東風草爲何而芳庾公所登樓尙懸秋夜月陶公去後柳飛盡春天雪人世幾春秋富貴猶一呷分陰豈得輕清興時須發不聞

杜元凱沈水一片碣丞丞身後名此情亦淒絕

吾欲乘黃鶴去尋王子安汗漫九垓上庶無異患干陶
自嗟筋力衰復恐天風寒倚樓一橫笛悵望雲漫漫吾
雖不仙去且願求金丹金丹可濟人飢者聊分餐

江夏行

小別復大別望山隔郎轍小洄復大洄臨水傷儂懷憶
郎言別時春水猶未來相期到江漲五月郎當回當回
久不回郎心不如水柰何二別山長在儂鄉里儂若爲
神女此山變巫峽郎今在何處夢雨難飛越郎如爲楚
昭此山是漸臺儂任江水至誓與臺俱積

臬司署後倚黃鵠山山舊有亭余名之曰招鶴賦

詩四首

問鶴何時返停雲爲爾勞乾坤雙鬢老江漢一亭高往
迹皆泡影人生斬羽毛悲來吹鐵笛磯外涌驚濤

楚望猶形勢茫茫百代過從來襟帶遠祇是戰爭多烽
火驚前變耕桑賴歲和滄浪風正靜於此聽漁歌

李生旣仙去蘇子亦云遙風月仍清白江山久寂寥欲
持杯酒酌爲作楚詞招靈氣應來往愁心萬古銷

我管揚州住題襟四鶴同別來音縹緲何處病氈氈塵
世無金穴仙姿畏玉籠相期終有意浩蕩向天風

岳武穆手植松

在江夏
洪山上

大廈將憑一木支種松心事不勝悲唐宮曾有重榮樹
夏社寧無再造期塞外龍鱗摧朔雪湖邊馬鬣傷南枝
故都花石誰收取辛苦荆襄制置時

又題二絕

老檜遮天蔽日時紛紛誰是歲寒姿朝廷自喜積梁木
瑞果靈芝滿畫旗

將軍大樹盡飄零烈烈餘風獨有靈聞道會稽山徑裏
更無人肯哭冬青

郎官湖有懷太白

我亦欲搥黃鶴樓思君散髮弄扁舟月光如此古今共
漢水何曾西北流舟度春風空有憶千觴美酒未銷愁
夜來玉笛聞雲際髣髴仙人紫綺裘

題太白中峯

太白詩東望黃鸝山雄雄半空出四
面生白雲中峯映紅日所謂中峯者

久無攷靳春陳愚谷今攷得之治屋數楹以
祀太白而題曰太白中峯屬予爲詩紀之

中峯皆無名今以仙人冠一朵青蓮花亭亭照江漢

贈陳愚谷二首

樓頭玉笛吹雲開臨皋一鶴橫江來江間明月相徘徊
下視萬古皆浮埃蘇髯死後無仙才戛然長鳴天地哀
樓前燕雀驚且猜此鳥何得離蓬萊

人皆予知君自愚買馬不憚亾其駒常笑愚谿人謫居
谿神入夢猶辨誣長江漠漠連諸湖君於其中浮大桴
君一號大桴山人隨風上下誰與俱煙朝月夕惟鷗鳧人間機
巧茲盡除亦復不爲人所狙愚公愚公舉世呼爲問呼
者能愚無

招鶴亭偶興

遠翠空亭得時從物外臨一江清對酒衆壑靜鳴琴林
鳥憐羈羽風帆引去心豈無幽賞處不似入山深

壽盧南石

同年百餘人存者今幾何當時兩年少鬢髮亦已皤皤

然吾竟老君尙顏色好十年三見君三歎君有道有道非自今生來松柏心芳華日已謝霜雪日已深

聖人正當展知是棟梁器器大必晚成公輔待所致平生所讀書一一見行事吾榜得名臣其與有榮施獨慙駑鈍姿況乃筋力衰上焉負

主聖下焉負交知

陶節母寒燈課子圖

余門人本忠之母梅氏也

慈母書一字

梅氏少寡而無出以從兄子本忠爲夫後有疑其不能守志撫孤者梅大書一陶字

示之羣疑始息見其父揚菴先生序記

孤兒識字始慈母語孤兒母愧陶

家子陶家家世惟讀書萬卷書今傳與渠柳樹蕭蕭風

兩夜一燈搖影故門間

題慶將軍

溥

訓女課孫圖

老師課讀梧陰下竹扇機鞵極瀟灑人人謂是儒生家
豈識當年破賊者當年破賊秦楚間十載家人賦東山
歸來兒孫皆長大相見惟說孔與顏將軍家世讀書耳
漢相一經能教子諸昆池上稱鳳毛賢姊門楣配麟趾
敢因貴盛矜高門卽今教女兼教孫蘋藻潢汙各有職
芝蘭玉樹當培根吁嗟乎金張許史家恆敗馬郭陰樊
古所戒將軍好學誦清芬宜爾子孫知未艾昨來秉節
珠江頭百蠻坐鎮民無憂伏波橫海績雖在文采風流

似此不

峽山淙碧軒題壁示初公

吾聞日南郡三冬尙炎熱豈知禺峽山四月有冰雪兩
崖東一江淨綠不可涅入寺已蕭爽攀林彌曲折忽聽
奏琴笙又若響環玦白雨驟飛來蒼巖盡皴裂珠簾自
天下銀漢誰手決竊愁忒出山滄海不能泄幽軒纔小
憩冷氣逼毛髮欲訪呼猿洞煙濶徑逾滑軒轅二帝子
萬里辭鳳闕何取于南荒戀茲景曠絕鬼神亦好事以
此雄百粵中夜移道場風雷助施設我生宦游處屢得
雲水窟杖履憺恩恩光陰驚忽忽頗知曹谿水一滴永

無竭安得結國茅翻經與師說

登粵秀山

蕩蕩南溟運迢迢北戶開花繁無節序天霽有風雷亂
世容偏霸清時費吏才樓船方出海一上越王臺

光孝寺觀貫休畫羅漢

要識祖師本來面風幡堂上了無見一僧導我禮羅漢
纔展古綃光氣現巉巉千丈倚天壁面壁身如一片石
心澄澗底夜泉清影落巖前寒月白此間夏臘凡幾夏
人天聞寂神鬼驚老龍投牒不敢進謹向侍者通其誠
問誰眼見能寫此禪月得之清夢裏夢中是幻抑是真

非幻非真卽畫耳畫師真手雖不壞十六應真幾幢在
竹垞所見今已亾過眼風燈速人代涼颿吹雨訶子林
鑪香漠漠鐘沈沈僧房坐對老尊宿使我全消種種心

南漢金塗鐵塔歌

玳瑁爲梁玉爲柱千官一炬成焦土金蠶已出始皇陵
寶塔尙依訶子樹蓮花照眼爍初陽獵獵風輪搖電光
恍入祇陀布金地復疑舍利此中藏摩挲題字半完缺
大寶十年乾德節椽人名冠弟子行髡衆官居大夫列
願保龍躬延鳳紀四恩三有同歡悅日費無論千萬金
餘財鑄此六州鐵君王禮佛願誠宏佛不慈悲到衆生

水獄刀山何慘苦，餵鷹飼虎詎修行。已入媚川求蚌腹，
更搜奇器覓魚英。豈知征歛猶無厭，稅到邕州民入城。
荔支宴後增花禁，日醉綺羅曾不醒。此時自謂小南強，
他日方知大北勝。一從舉國入中原，古寺靈光獨巋然。
怪底一花開五葉，迄今衣鉢尙相傳。當年吳越同徼福，
八萬浮圖尊阿育。南唐後主更精勤，一頂袈裟參白足。
降王例作苦行僧，僧學逾深國逾蹙。我來向佛問因果，
閉目低眉不我告。

六榕寺有懷坡公作歌

坡公竄逐來南荒，前身恐是虞仲翔。故宅已改風幡堂，

菩提葉吹功德香不則昌黎再生箕又張貶所還復隣
潮陽僧如大顛來往常三生石上不滅真靈光南宗衍
教於此鄉浮圖高標自齊梁六株榕樹陰滿廊知閱幾
代凌風霜公從度嶺聊卸裝熱惱塵中驟清涼興來揮
豪大樹殉至今樹死二字猶光芒嗟公深翰侍君王柰
何獲罪因文章文章乃爲佛所昌歷盡浩劫恆護藏千
古才人命相妨巫咸不問天蒼蒼

賞雨茅屋詩集卷之八終